



Informe semestral Colegionan di supervision financiero

Juli – December 2025

Colegio di supervision financiero Corsou y Sint Maarten
Colegio di supervision financiero di Aruba
Colegio di supervision financiero di Boneiro, Sint Eustatius y Saba

www.cft.cw

Contenido

| | |
|--|-----------|
| Prefacio | 3 |
| 01 Colegionan di supervision financiero | 4 |
| 02 Conshonan duna den e di dos mita di 2025 | 6 |
| Coursou | 7 |
| Aruba | 10 |
| Sint Maarten | 13 |
| BES (Boneiro, Sint Eustatius y Saba) | 16 |
| 03 Anexonan | 21 |
| Anexo 1: Tareanan, actividadnan y composicion di e Colegionan | 22 |
| Anexo 2: Lista di factsheet Coursou | 24 |
| Lista di factsheet Aruba | 25 |
| Lista di factsheet Sint Maarten | 26 |
| Lista di factsheet BES | 27 |
| Anexo 3: Lista di abreviacion y concepto | 29 |
| Anexo 4: Resumen di conshonan y reaccionnan duna den e di dos mita di 2025 | 30 |





Prefacio

Apreciabel lector,

Nos ta presenta e informe semestral tocante di e di dos mita di 2025 di Colegio di supervision financiero di Corsou y Sint Maarten (Cft), Colegio di supervision financiero di Aruba (CAft) y Colegio di supervision financiero di Boneiro, Sint Eustatius y Saba (Cft BES).

E informe aki ta contene un resumen di e actividadnan ehecuta y e puntonan principal di nos consehonan. Na final di e informe aki a agrega un lista di Lista factsheets cu ta contene e indicadornan economico mas importante di e seis isla y pais cu nos como Colegionan ta traha p'e. E lista di factsheets aki ta permiti bo pa sigui e desaroyonan economico y pa compara entre e islanan y paisnan. Ademas, nos por identifica miho riba ki areanan nos actividadnan tin impacto, of unda ta deseabel pa nos dedica mas atencion.

E Colegionan ta considera cu e di dos mita di 2025 atrobe tawata interesante. Considerando e montante alto di e gastonan di cuidado, combina cu e importancia di e sector di cuidado di e paisnan, e Colegionan a dedica nan biahenan na e paisnan na cuidado di salud. Danki na esaki, a surgi nocionnan relevante, entre otro pa medio di e comparacion entre e paisnan. Pa cada pais, e Colegionan a duna recomendacionnan specifico. Pa por identifica debidamente e impacto riba termino largo di e desaroyonan den cuidado di e paisnan riba e presupuesto, e Colegionan a dicidi pa sigui monitoreo e topico aki.

Pa e Entidadnan Publico Boneiro, Sint Eustatius y Saba, e bishita di otoño di e Colegio tawata dedica na poder di implementacion. Den e marco aki, e Colegio a señala cu poder di implementacion ta mas cu capacidad di implementacion so. P'ese, e Colegio tambe a dedica atencion (entre otro) na e capacidad administrativo y e capacidad di tumamento di decisionnan, y e funcionamiento institucional di e Entidadnan Publico. Pa tur Entidad Publico, e Colegio a haci recomendacionnan dirigi pa fortalece e poder di implementacion.

Na fin di 2025, e congreso anual Interexpo a tuma lugu na Den Haag. Ayanan, Presidente di Colegio saliente Lidewijde Ongering y Minister di Finanza Wever di Aruba a presenta e resultadonan di e colaboracion renoba entre Aruba y CAft. E presentacion a demostra cu tanto Aruba como CAft ta reconece beneficiaran cla di e colaboracion renoba, sin cu ta afecta e rol independiente di supervisor na un banda y e autonomia di e Pais na otro banda.

Resumiendo, tawata seis luna yen di trabao util den cual nos como Colegionan a empeña pa yuda e paisnan y islanan pa desaroya den direccion di finanza gubernamental sostenibel. Tambe tawata seis luna cu ainda tawata presidi pa mi antecesor Lidewijde Ongering. Gustosamente, akinan mi tambe ta probecha pa gradiciele sinceramente pa tur loke el a significa pa nos Reino den e ultimo añanan.

Hans Hoogervorst




Colegionan di supervision financiero

E meta di e Colegionan di supervision financiero (Cft) ta pa realisa finanza gubernamental saludabel hunto cu e gobiernonan di Aruba, Corsou, Sint Maarten, Boneiro, Sint Eustatius y Saba. E substanciacion di e concepto di finanza gubernamental saludabel ta basa riba varios ley a base di cual e Colegionan ta opera. Esakinan ta Ley di Reino Supervision Financiero (Rijkswet financieel toezicht – Rft) pa Corsou y Sint Maarten, Ordenanza Nacional di supervision financiero temporal di Aruba (Landsverordening Aruba tijdelijk financieel toezicht – LAft) pa Aruba y Ley di Finanza Entidad Publico Boneiro, Sint Eustatius y Saba (Wet financiën openbare lichamen Bonaire, Sint Eustatius en Saba – Ley FinBES).

Durante e ciclo anual di presupuesta, implementa y hustifica, e Colegionan ta supervisa e cumplimiento cu e normanan acorda, y nan ta vigila e mehoracion di maneho financiero. E meta di e supervision ta pa logra equilibrio den e presupuesto y hustificacion. Esaki ta encera cu tur pais y tur isla ta construi un buffer financiero y un posicion di debe manehabel, pa asina riba termino largo bira financieramente autonomo. Bon maneho financiero ta crucial den e contexto aki. Ehemplonan di esaki ta e legalidad, controlabilidad, actualidad y fieldad di e fluhonan di placa publico.

E intencion di e Colegionan ta pa contribui positivamente na bon gobernacion publico, prosperidad y e bienestar di e poblacion di e islanan y e paisnan, pasobra bon finanza gubernamental y resiliencia financiero contra shocknan (interno y externo) ta contribui na continuidad y ta crea espacio den temponan di deterioro economico. Ademá, finanza gubernamental saludabel ta contribui na e alcance di inversion publico. E economianan di e paisnan y islanan ta depende fuertemente di turismo, y nan ta susceptibel na shocknan economico. Pa medio di inversionnan, e paisnan y islanan por expande nan actividadnan economico, pa asina mehora nan resiliencia. Di e manera aki, supervision no ta contribui solamente na un presupuesto saludabel, sino tambe na prosperidad duradero pa tur ciudadano di e paisnan y islanan.



Corsou, Aruba y Sint Maarten

Den Rft y LAft a stipula cu e Colegionan ta supervisa e normanan presupuestario acorda, y ta emiti consehonan y reporta na e Ministernan di Finanza, e Parlamentonan y e gobiernonan di e paisnan, y Minister di Asuntonan Interior y Relacionnan den Reino (BZK) y Consejo di Minister di Reino (Rijksministerraad – RMR). RMR ta e supervisor legal. E tareanan di Cft y CAft ta enfoca riba henter e proceso presupuestario; desde e elaboracion di e presupuesto te na e stipulacion di e cuenta anual. Den e contexto aki, e Colegionan ta monitorea e implementacion di e presupuesto a base di informenan di implementacion y e mehoracionnan di maneho financiero. E presupuesto di Corsou y Sint Maarten por lo menos mester ta ekilibra. Desde 2023, Aruba mester realisa un surplus riba e presupuesto.


Boneiro, Sint Eustatius y Saba

Cft BES ta responsabel pa duna conseho na e gobiernonan di Boneiro, Sint Eustatius y Saba y e Minister di BZK. A base di Ley FinBES, Cft tin un rol di control pa loke te trata e finanza di e Entidadnan Publico, entre otro na momento cu ta elabora e presupuesto. Cft tambe ta monitorea e calidad di maneho financiero.




Consehonan duna den e di dos mita di 2025

Den e paragrafnan aki bao, pa cada pais y isla ta reproduci e puntonan principal di e consehonan, cartanan y reaccionnan emiti pa e Colegionan den e di dos mita di aña 2025. Den anexo 4 a inclui un resumen di tur e consehonan y reaccionnan emiti den e di dos mita di 2025.



Implementacion di presupuesto y maneho financiero

Te cu e di tres kwartaal di 2025, Corsou a realiza un resultado positivo provisional riba e budget operacional di XCG 238 miyon. Pa henter 2025, Corsou ta tawata anticipa cu lo realiza un surplus riba e budget operacional di XCG 75 miyon, aproximadamente 1 porcientu di e bbp. Na augustus 2025, Cft a emiti conseho tocante di e modificacion di proyecto presupuestario (OBW) 2025 di Corsou. Cu e OBW aki, Corsou a duna mas substanciacion na e recomendacionnan cu Cft a duna anteriormente tocante di e presupuesto pa 2025. A stipula e OBW den e di dos mita di 2025, loke a permiti Corsou pa contrata un prestamo pa inversionnan di capital. Esaki tawata un desaroyo positivo, considerando e hecho cu pa bastante tempo Cft tawata pidiendo atencion pa e importancia di inversionnan gubernamental economicamente rendabel. E adopcion puntual di e OBW ademas tawata ilustrativo di e mehoracion den e proceso presupuestario, danki na e hecho cu ta tuma decisionnan mas activamente.



*= cifranan preliminar, **= presupuesto. Fuente: CBCS Economic Bulletin december 2022 y juni 2025, proyectonan di cuenta anual 2021-2023, prome informe di implementacion 2025 y presupuesto stipula 2025.

Cft tambe a emiti consehonan tocante di e proyecto presupuestario (OB) pa 2026 y e presupuesto multianual 2027-2029. Pa e aña presupuestario 2026, Corsou a estima un surplus di XCG 5 miyon. Cft tawata considera cu tin un riesgo considerabel pa e surplus aki bira un deficit, y p'esey a conseha Corsou pa elabora un plan pa absorbe posibel resultadonan negativo inespera. Banda di esaki, Cft a haci seis recomendacion mas, cu mester a contribui na un politica presupuestario mas cauteloso.

Na 2025, maneho financiero di Corsou tampoco tawata na ordo. Esaki ta keda refleha entre otro den e presupuesto di e Pais, cu den cierto componente no ta completo, no ta suficientemente ordena ni suficientemente controlabel. Ademas ta falta e hustificacion integral establece a base di fieldad. Debi na esaki, den sentido general no por determina cu suficiente seguridad cu ta cumpli cu e balance presupuestario rekeri pa ley.

Cumpliendo cu e recomendacionnan duna pa e comision di evaluacion Rft na 2024, den e di dos mita di 2025 Cft a cuminsa cu e pilot 'Aplicacion di e marco di referencia di maneho financiero'. E comision a recomenda pa desaroya e marco di referencia aki, especificamente pa articulo 15, inciso 2 di Rft. E meta di esaki ta pa ofrece claridad di antemano na Corsou y Sint Maarten tocante di e manera cu Cft ta evalua a base di e normanan inclui den articulo 15 di e Rft. Esaki ta encera cu Cft lo pone mas enfasis riba e exhaustividad y controlabilidad di e presupuesto, y e coherencia cu informenan di implementacion y cuentanan anual. E periodo aki, e concepto di marco di referencia concerni – elabora den colaboracion cu e paisnan – a ser aplica exploratoriamente. E intencion ta pa aplica e marco di referencia oficialmente pa prome biaha na e proyectonan presupuestario y presupuestonan pa 2027 y pa incorporele integralmente den e consejo di Cft desde e momento ey.

Den e di dos mita di 2025, Corsou a dicidi pa recalibra e 'Roadmap pa yega na un declaracion di control aprobatorio tocante di e cuenta anual di Corsou', e programa central pa logra un declaracion aprobatorio tocante di e cuenta anual. Segun Corsou, e Roadmap a duna algun resultado, pero e falta di suficiente prioridad administrativo, e retrasonan den tumamento di decision y e falta di capacidad den e columna financiero a conduci na un retraso considerabel. Considerando e tamaño di e Roadmap y e capacidad di implementacion limita, Cft a conseha Corsou varios biaha pa duna prioridad na e trayectonan di mas esencial. Corsou a indica cu na cuminsamento di 2026 lo presenta un plan di enfoke nobo pa mehoracion di maneho financiero.


Impuestonan

A pesar cu e ingresonan di impuesto di Corsou ta aumenta desde 2021, Cft a keda sumamente preocupa pa e funcionamiento di e Servicio di Impuesto. Na 2024, investigacion di SOAB a demostra cu den e implementacion di legislacion tributario, tawata tin casonan di tratamiento preferencial indebido y cu no tawata cumpli cu e marconan legal.

E situacion cerca Servicio di Impuesto di Corsou ta un riesgo pa e moral di impuesto, y consecuentemente, pa finanza gubernamental. Tin plannan avanza pa reorganisa y modernisa Servicio di Impuesto. E pais a demostra su intencion pa implementa esakinan desde e di dos mita di 2025. Cft a urgi Consejo di Minister pa priorisa e reorganizacion mas tanto posibel. A pesar di a insisti varios biaha, den e di dos mita di 2025 Cft no a haya informacion tocante di e progreso.


Cuido y seguro social

E montante cu Corsou ta gasta na cuida ta relativamente alto. Na 2023, e gastonan di cuida tawata aproximadamente 14,7 por ciento di e producto nacional bruto (bbp), considerablemente mas cu na Aruba y Sint Maarten. E gastonan di cuida alto aki ta suplanta otro gastonan di gobierno y ta contribui na un presion alto di impuesto y prima. Debi na e surplusnan limita den e fondonan di cuida na 2024 y 2025 como consecuencia di e mehoracion den cobro di prima, tawata sinti menos urgencia pa implementa reformanan. Na september di 2025, Cft a urgi Corsou pa tuma medidanan pa haci cuida mas pagabel. Den e ultimo añanan ya caba a haci bastante analisis; awor ta importante pa implementa. Cft a muestra entre otro riba fortalecimiento di cuida primario, aceleracion di sustitucion di remedinan di marca pa remedinan generico y posibel aumento di contribucionnan propio den cuida.



Fuente: calculacion Cft.

A pesar cu desde 2021 tin crecemento economico real, no a indexa e pagonan di AOV. Na december di 2025, riba peticion di Gobierno di Corsou, Cft a emiti conseho tocante di tres escenario pa aumenta AOV. Den e marco ey, Cft a enfatisa cu Corsou mester percura pa tin suficiente cobertura financiero structural, sin presiona finanza gubernamental (ainda mas).




**= presupuesto. Fuente: cuenta anual SVB 2024 y presupuesto stipula 2025.




Implementacion di presupuesto y maneho financiero


Pa 2025, Aruba a presupuesta un surplus di financiamento pa e sector colectivo di 2,4 por ciento di bbp. Di e manera aki, Aruba a cumpli ampliamente cu e norma presupuestario di como minimo 1 por ciento di e bbp. Den e di dos modificacion di proyecto presupuestario (OBW) cu CAft a ricibi na 2025, e surplus di financiamento di e sector colectivo ta ascende te 2,8 por ciento di e producto nacional bruto (bbp). Contrario na Corsou y Sint Maarten, e presupuesto di Aruba ta basa riba obligacionnan di caha en bes di riba ingresos y gastonan. P'esey, no por compara e saldo di financiamento di Aruba cu e resultado riba e budget operacional di Corsou of Sint Maarten.



*= cifranan preliminar, **= presupuesto. Fuente: IMF Article IV Consultation december 2025, di cuater informenan di implementacion 2020-2024 y modificacion di proyecto presupuestario 2025 di Aruba.



*= cifranan preliminar, **= presupuesto. Fuente: IMF Article IV Consultation december 2025, di cuater informenan di implementacion 2020-2024 y di dos modificacion di proyecto presupuestario 2025 di Aruba.



*= cifranan preliminar, **= presupuesto. Fuente: IMF Article IV Consultation december 2025, di cuater informenan di implementacion 2020-2024 y di dos modificacion di proyecto presupuestario 2025 di Aruba.

Conforme e reglanan presupuestario, mester emplea resultadonan positivo inespera primariamente pa reduccion di debe y inversionnan. Considerando e retraso den e ehecucion di inversionnan, CAft a conseha pa emplea resultadonan positivo inespera y recursonan cu ta cay liber debi na subagotamento di inversionnan, completamente pa amortisacion di debe. Esaki ta fortalece resiliencia economico, ta contribui na reduccion continua di e ratio di debe, y ta conduci na un reduccion di e gastonan di interes. E gastonan di interes na Aruba ta relativamente alto paso e pais – contrario na Corsou y Sint Maarten – ta financia mayoria di su debe gubernamental riba mercado priva. CAft a duna conseho tocante di e Ley di Reino nobo y e Ordenanza Nacional riba Salvaguardia di Finanza Gubernamental Sostenibel. Despues di e entrada na vigor di e Ley di Reino, Aruba por fia mas barata, loke lo reduci e gastonan di interes ainda mas.

A entrega e documentonan presupuestario na tempo dentro di un ciclo presupuestario cu tawata structura di manera ordena, cu dos momento fiho di modificacion (primavera y otoño). A resolve e retrasonan den e entrega di informenan di implementacion y actualmente ta ricibi e informenan aki na tempo. Na 2025 a entrega e cuenta anual 2020 na Algemene Rekenkamer Aruba (ARA) y ARA a tramita esaki. E cuentanan anual di 2021, 2022, 2023 y 2024 tambe a ser entrega na ARA na 2025. Esaki ta significa cu Aruba a duna pasonan importante pa drecha hustificacion financiero. Esaki ta cuadra cu e enfoque adicional cu CAft ta poniendo desde 2025 riba e mehoracion di hustificacion financiero.

Impuestonan


Aruba e presupuesta e ingresonan di impuesto conservativamente, entre otro debi na tensionnan geopolitico persistente y inciertitud tocante di e perspectivanan economico mundial. E ingresonan di impuesto tawata mas alto di loke a estima, entre otro pa motibo di e crecimiento economico continuo.

Cuido y seguro social

Cu 8,7 por ciento di e bbp na 2023, e ratio di cuidu di Aruba tawata relativamente modera. CAft a constata cu Aruba ta implementa reformanan manera a stipula den e acuerdo di cuidu. Den e marco aki, ta importante pa alivia cuidu hospitalario pa medio di prevencion y fortalecimiento di e funcion di gatekeeper di dokternan di cas. CAft a indica cu control di e gastonan di cuidu ta keda importante, considerando entre otro e envehecimento di poblacion. E ultimo periodo, e gastonan pa cuidu di hende grandi ainda tawata limita, pero debi na e envehecimento di poblacion, lo tin mas y mas demanda di cuidu. P'esey, Cft a conseha pa haci eleccionnan desde tempran cu ta yuda tene cuidu pagabel y na prueba di futuro.

E edificio hospitalario a keda un punto di atencion. Durante e bishita di Colegio na Aruba na september, varios partido a menciona e deficiencianan den e edificio hospitalario. E falta di solucion ta conduci na e riesgo cu ta perhudica prestacion di servicionan di cuidu. CAft a constata cu, considerando e funcion di cuidu vital, ta importante pa tur partido involvi asumi nan responsabilidad, y yega na un enfoke conhunto tocante di e asunto aki mas pronto posibel.

Pa 2025, Algemene Ziektkosten Verzekering (AZV) a anticipa un surplus di AWG 86 miyon. Esaki ta mas di loke a presupuesta. Anteriormente, CAft a conseha pa emplea e surplusnan di e fondonan di cuidu pa reduccion di debe, teniendo na cuenta e obligacionnan legal pa mantene reservanan den e fondonan. CAft a haya sa cu na 2025, Aruba a haci progreso riba e topico aki.



*= cifranan preliminar, **= presupuesto. Fuente: cuentanan anual 2021-2024, presupuesto pa 2026 di AZV y e di dos OBW.



Implementacion di presupuesto y maneho financiero


E presupuesto pa 2025 di Sint Maarten no a ser stipula te 10 di juli 2025, especificamente debi na e hecho cu un fayto tecnico den e tramitacion di amandanan di Parlamento tawata conduci na retraso adicional. Cft a conseha Sint Maarten pa implementa algun cambio pa medio di un modificacion presupuestario (BW), cu lo mester stipula prome cu fin di 2025. Bao di e condicion aki, Sint Maarten por a inicia un peticion nobo di prestamo pa inversionnan. Riba 22 di october 2025, Cft a ricibi e modificacion di proyecto presupuestario (OBW). Den e OBW, Sint Maarten a cumpli suficientemente cu e recomendacionnan priminti a base di e conseho cu Cft a emiti tocante di e presupuesto stipula (VB) 2025. P’ese, Cft a pidi Sint Maarten pa – despues di un control minucioso – ofrece e modificacion presupuestario na Parlamento mas pronto posibel, pa asina por a stipula esaki prome cu fin di aña. No a logra esaki, loke no ta favorabel pa e grado di confianza. Banda di esaki, na 2025, Sint Maarten no a stipula presupuesto pa 2026, y hasta a keda sin ofrece proyecto presupuestario pa Cft emiti conseho. E proceso presupuestario ta

parti di maneho financiero, y no ta canando bon. Debi na e hecho cu no a stipula e presupuesto pa 2026 prome cu e fecha limite legal di 15 di december 2025, Parlamento no por a eherce puntualmente su derecho presupuestario, y atrobe e posibilidadnan pa e pais elabora maneho nobo ta limita.

Te cu e di tres kwartaal di 2025, segun e di tres informe di implementacion, Sint Maarten a realiza un saldo positivo riba e budget operacional di casi XCG 50 miyon. E surplus principalmente tawata consecuencia di e ingresonan di impuesto relativamente alto compara cu e aña anterior, y di e hecho cu a aplaza gastonan proyecta debi na retrasonan den e ehecucion. Segun e modificacion di proyecto presupuestario 2025, pa henter 2025 (y añanan futuro) Sint Maarten tawata anticipa un surplus chikito. Sin embargo, e cifranan di realizacion definitivo ainda no ta conoci. Actualmente, tin tiki espacio pa resultadonan negativo inespera of maneho nobo, loke ta pone cu riesgonan riba un deficit ta keda existi.

A pesar di e surplusnan riba e budget operacional, Sint Maarten tampoco a logra pa mehora e posicion di likides. Den transcurso di e aña, e posicion di likides di e pais hasta a deteriora compara cu e presupuesto. E desaroyonan aki ta preocupa Cft, entre otro debi na e riesgonan riba problemanan di pago cerca varios entidad gubernamental, y a pidi Sint Maarten pa delibera tocante di e topico aki.

Cumpliendo cu e recomendacionnan duna pa e comision di evaluacion Rft na 2024, den e di dos mita di 2025 Cft a cuminsa cu e pilot 'Aplicacion di e marco di referencia di maneho financiero'. E comision a recomenda pa desaroya e marco di referencia aki, especificamente pa articulo 15, inciso 2 di Rft. E meta di esaki ta pa ofrece claridad di antemano na Corsou y Sint Maarten tocante di e manera cu Cft ta evalua a base di e normanan inclui den articulo 15 di e Rft. Esaki ta encera cu Cft lo pone mas enfasis riba e exhaustividad y controlabilidad di e presupuesto, y e coherencia cu informenan di implementacion y cuentanan anual. E periodo aki, e concepto di marco di referencia concerni – elabora den colaboracion cu e paisnan – a ser aplica exploratoriamente. E intencion ta pa aplica e marco di referencia oficialmente pa prome biaha na e proyectonan presupuestario y presupuestonan pa 2027 y pa incorporele integralmente den e consejo di Cft desde e momento ey.



*= cifranan preliminar, **= presupuesto. Fuente: IMF 2025 Article IV Consultations september 2025, (proyectonan di) cuentanan anual 2021-2022, di cuater informenan di implementacion 2023-2024 y modificacion di proyecto presupuestario 2025 di Sint Maarten.


Te cu e di tres kwartaal, Sint Maarten a inverti XCG 67 miyon. Esakinan ta inversionnan pospone di 2023 y 2024. A aplaza inversionnan nobo proyecta pa 2025, entre otro debi na e stipulacion laat di e presupuesto, y e retraso cu e modificacion presupuestario. Na fin di e di tres kwartaal, Sint Maarten tawata tin aproximadamente XCG 211 miyon na inversionnan proyecta registra. Ehecucion puntual di e inversionnan ta esencial, tanto pa motibo di e interes pa sociedad, como debi na e presion di interes di e prestamonan mara na esakinan riba finanza gubernamental. Den e di dos mita di e aña, Cft a bolbe pidi atencion pa e topico aki, y a pidi Sint Maarten especificamente pa inclui un resumen multianual cla den e presupuesto pa 2026 di e inversionnan pendiente y e planificacion pa ehecuta esakinan.

Impuestonan

Te cu e di tres kwartaal, e ingresonan di impuesto tawata remarcabelmente alto, mas cu XCG 40 miyon mas compara cu e mesun periodo den e aña pasa, y casi XCG 30 miyon mas di loke a presupuesta. Esaki a ser causa principalmente pa un cambio den e momento di ricibi pagonan, di fin di 2024 pa cuminsamento di 2025, pasobra e oficina di impuesto tawata sera entre Pasco y Aña Nobo. Sint Maarten ta considera cu esaki ta un efecto incidental y ta anticipa cu lo no bolbe ocuri e añanan venidero. Respecto di e di tres UR, Cft a conseha pa distingui e efecto incidental di e ingresonan di impuesto alto na cuminsamento di aña cu mas detaye, y pa involucra e nocion aki den e estimacionnan den e proyecto presupuestario pa 2026. Sin embargo, estimacionnan adecua y resumennan di e impuestonan ta keda un punto di atencion considerabel pa Sint Maarten. E sistema tributario di Sint Maarten no a ser modernisa pa hopi tempo, y e implementacion na Servicio di Impuesto no ta na ordo. Debi na esaki, ta haci hopi trabao manualmente y esaki por conduci na erornan. Sint Maarten ta traha hunto cu Tijdelijke Werkorganisatie riba e reforma y modernizacion di Servicio di Impuesto y e sistema tributario.

Cuido y seguro social


Na 2023 a estima e gastonan di cuido di Sint Maarten na aproximadamente 6,5% di e bbp, loke ta significa cu e gastonan aki tawata relativamente abao compara cu e otro paisnan den Reino. Hasta cu e gastonan relativamente abao aki, anualmente tawata registra deficitnan considerabel cerca e fondonan di cuido. Esaki ta significa cu e financiamiento di cuido ta bao di hopi presion. Te awor tawata absorbe e deficitnan pa medio di e reservanan cerca otro fondonan, principalmente esun pa pensioen di biehes (AOV). Sin embargo, esaki no ta un situacion sostenibel, y e problema ta keda agrava debi na e hecho cu e añanan venidero e poblacion di Sint Maarten lo envehece ainda mas. Den su consultacion di articulo IV di september 2025, IMF a indica cu ta anticipa cu na 2029, e reservanan likido cerca e organisacionnan di implementacion SZV (Sociale- en ziektekostenverzekeringen) lo keda agota, loke por causa un problema di pago agudo pa cuido y seguro social.



*= cifranan preliminar, **= presupuesto. Fuente: cuentanan anual 2021-2024 y e presupuesto pa 2026 di SZV.


Na september, Cft a delibera extensivamente cu Sint Maarten tocante di e topico aki. A palabra pa intensifica e colaboracion y pa atende cu e problema. Desde e dia ey, tawata tin contacto adecua y activo entre Cft y e stakeholdernan involvi: Ministerio di Salubridad Publico, Desaroyo Social y Trabao (VSA), SZV y hospital (SMMC). Sint Maarten a identifica varios medida pa atende cu e deficitnan. Esakinan ta ahoronan di gastonan y medidanan pa aumenta e ingresonan cerca SZV, un seguro medico general y un impuesto pa turista. A palabra pa identifica den e proximo periodo si e medidanan ta suficiente pa sostenibilidad financiero y pa entretanto implementa e medidanan identifica te cu awor mas pronto posibel.





E presupuestonan di Boneiro, Sint Eustatius y Saba a aumenta considerablemente entre 2020 y 2025. E causa principal di esaki tawata e aumento di e pago liber, e pagonan special y – den caso di Boneiro – tambe e introduccion di e impuesto di turista (Visitor Entry Tax).

E calidad di maneho financiero riba e islanan BES ta varia. Na juli 2025, tur tres isla BES a ricibi un declaracion aprobatorio di auditor tocante di nan cuenta anual pa 2024. Esaki tawata prome biaha desde 2010. Na 2025, Saba y Sint Eustatius a logra consolida of hasta fortalece e mehoracion di maneho financiero. Sin embargo, respecto di Boneiro tin preocupacionnan tocante di maneho financiero, tanto pa loke ta trata maneho di presupuesto, incluyendo modificacionnan presupuestario, como e implementacion di e presupuesto pa 2025.



Fuente: CBS.

Boneiro




Implementacion di presupuesto y maneho financiero

Entre 2019 y 2025, e presupuesto di Boneiro a triplica. E ingresonan presupuesta pa 2025 tawata considerablemente mas alto cu añanan anterior, entre otro debi na e uzo creciente di reservanan aloca. Na fin di aña, a aumenta e presupuesto pa 2025 considerablemente pa medio di dos modificacion presupuestario.¹

A entrega e cuenta anual pa 2024 na tempo. Pa di tres aña consecutivo, e auditor externo a emiti un declaracion aprobatorio pa e cuenta anual, despues di un esfuerzo considerabel di recuperacion administrativo y un procedura di indemnidad. E cuenta anual tawata muestra un resultado positivo di USD 1,3 miyon.

¹ E di dos modificashon presupuestario 2025 aki a ser aproba parsialmente pa Sekretario di Estado di Asuntunan Interior y Relashonnan den Reino na januari 2026.



Fuente: cuenta anual 2024, presupuesto 2025 y presupuesto 2026 di Boneiro.

Den e di dos mita di e 2025, maneho financiero a muestra poko mehoracion. Por ehemplo, Boneiro no tawata controla e proceso presupuestario suficientemente, loke a conduci na un falta di tempo pa pasa door di un proceso ordena corespondiente na un modificacion presupuestario, y pa incorpora e consehonan di Cft. No a stipula e prome modificacion presupuestario te fin di october, y e di dos a keda stipula riba 18 di december. E stipulacion laat aki di e modificacion presupuestario a conduci na gastonan illicito.² Esaki tin di haber principalmente cu e manera cu a gasta pagonan special y gastonan di inversion.

Ademas, den su reaccion tanto riba e prome como riba e di dos modificacion presupuestario 2025, Cft a expresa su preocupacionnan tocante di e grado di realidad di e presupuesto pa 2025. Por ehemplo, den ambos modificacion

² Gastonan cu no a ser inclui den un (modificashon di) presupuesto stipula ta illicito. Pa medio di aprobashon di e modificashonnan presupuestario stipula di Sekretario de Estado di BZK, a restoura e legalidad di e gastonan aki retroaktivamente.

presupuestario, e aumento di e gastonan presupuesta tawata considerabel, compara cu e gastonan realisa na e momento ey. Ta bin acerca cu no a distribui e budgetnan pa e pagonan special riba e termino di e pagonan special te october, despues di un conseho di Cft. Banda di esaki, riba peticion di Cft, Entidad Publico Boneiro a dicidi pa haci un inventarisacion di e pagonan special. Esaki tawata den e marco di e trayecto di conseho tocante di e Presupuesto Stipula pa 2026.

Na prome instancia, e di dos UR a ser entrega na tempo, pero e no tawata completo. Despues di a consulta Cft, Boneiro a revoca e di dos UR, a modifikele y a bolbe ofrecele. E splicacionnan pa por interpreta e tabelnan tawata falta of no tawata completo. Loke ta menciona aki riba ta subraya cu maneho financiero ainda no ta na ordo na Boneiro. Debi na esaki, Cft tawata obliga pa emiti consehonan critico tocante di e documentacion presupuestario. Cft ta aprecia cu Boneiro ta reconoce e obstaculonan, y ta tuma medidanan dirigi riba esakinan. Por ehemplo, desde 2026, en principio tur informenan di implementacion lo bay acompaña di un modificacion di proyecto presupuestario y e inventarisacion menciona aki riba di e pagonan special.



Sint Eustatius




Implementacion di presupuesto y maneho financiero

Na 2025, e presupuesto di Sint Eustatius a aumenta compara cu 2024. Por atribui e aumento aki na e crecimiento di e pago liber y e pagonan special. E ingresonan for di impuesto local a sigui baha.

Den e ultimo añanan, maneho financiero di Sint Eustatius a mehora substancialmente. Na juli 2025, pa prome biaha, Entidad Publico a ricibi un declaracion aprobatorio di auditor tocante di e cuenta anual di e aña presupuestario anterior.

Cft a constata un mehoracion continua den e maneho financiero di Sint Eustatius den e di dos mita di 2025. E puntualidad y calidad di e documentonan a mehora considerablemente. Sint Eustatius ta muestra cu e ta mas y mas in control. Esaki ta un desaroyo positivo cu mester salvaguardia den e procesonan y den e ehecucion di auditnan interno.



Fuente: cuenta anual 2024, presupuesto 2025 y presupuesto 2026 di Sint Eustatius.

Saba




Implementacion di presupuesto y maneho financiero

E ultimo añanan, e presupuesto total di Saba a crece, en parti danki na un pago liber mas alto y un aumento di e pagonan special. E desaroyo aki a continua na 2025. A agrega e categoria Otro ingresonan como categoria colectivo pa entre otro ingresonan di interes ricibi y otro ingresonan.

Pa 2024, mescos cu den añanan anterior, Saba a ricibi un declaracion aprobatorio di auditor tocante di e cuenta anual. Na 2025, Saba a sigui fortalece maneho financiero. Den e di dos mita di 2025, Saba a entrega e documentacion presupuestario na tempo y conforme e acuerdonan cu Cft. Banda di esaki, a realiza mas mehoracion di calidad den e documentacion

presupuestario. Pa 2025, Saba a entrega tur documento presupuestario na tempo, y esakinan tawata di bon calidad. Ademas, Saba a implementa tres modificacion presupuestario na 2025. Cft a duna conseho positivo tocante di tur e modificacionnan presupuestario aki.



Fuente: cuenta anual 2024, presupuesto 2025 y presupuesto 2026 di Saba.

Anexonan

03

Anexo 1

Tareanan, actividadnan y composicion di e Colegionan

Historia

Pa hopi aña, Antia Hulandes tawata sufri di problemanan sustancial y structural riba tereno di finanza gubernamental. E presupuestonan no tawata suficientemente confiabel y realistico, e cuentanan anual a keda compila demasiado laat, e controlnan di auditornan externo tawata atrasa y e posicionnan di debe di e islanan tawata problematico. Riba 10 di october 2010, Antia Hulandes a keda desmantela y relacionnan politico nobo aki a keda realisa. Corsou y Sint Maarten a bira paisnan autonomo den Reino hulandes. Boneiro, Sint Eustatius y Saba a bira municipionan special di Hulanda den e forma di Entidadnan Publico.

A palabra cu Hulanda lo asumi gran parti di e debenan di e Antia Hulandes (un total di aproximadamente ANG 3,8 biyon), y cu e islanan lo yega na un mehoracion structural di finanza gubernamental. Den e contexto aki a acorda cu lo establece supervision financiero independiente riba e presupuestonan di e paisnan y e islanan. A lanta Colegio di supervision financiero Corsou y Sint Maarten (Cft) y Colegio di supervision financiero di Boneiro, Sint Eustatius y Saba (Cft BES) pa e finalidad aki.

Desde 1986, Aruba ta pais autonomo den Reino. Na 2015, na momento cu e debe publico tawata ascende te mas cu AWG 4 biyon, tambe a establece supervision financiero independiente pa Aruba. Riba 2 di september 2015, a asigna e supervision riba finanza gubernamental legalmente na RMR. Colegio di supervision financiero di Aruba (CAft) ta e instancia cu ta ehecuta e supervision aki.

Tareanan Colegionan

E meta di e Colegionan di supervision financiero (Cft) ta pa realisa finanza gubernamental saludabel hunto cu e gobiernonan di Aruba, Corsou, Sint Maarten, Boneiro, Sint Eustatius y Saba. Durante e ciclo anual di presupuesta,

implementa y hustifica, e Colegionan ta supervisa e cumplimiento cu e normanan acorda, y nan ta vigila e mehoracion di maneho financiero. Ley di Reino Supervision Financiero Corsou y Sint Maarten (Rijkswet financieel toezicht Curaçao en Sint Maarten – Rft), Ordenanza Nacional di supervision financiero temporal di Aruba (Landsverordening Aruba tijdelijk financieel toezicht – LAft) pa Aruba y Ley di Finanza Entidad Publico Boneiro, Sint Eustatius y Saba (Wet financiën openbare lichamen Bonaire, Sint Eustatius en Saba – Ley FinBES) ta forma e base legal pa e Colegionan.

Corsou, Aruba y Sint Maarten

Riba peticion di e paisnan, e Colegionan por duna conseho tocante di e proyecto presupuestario. E presupuesto stipula obligatoriamente mester wordo entrega na e Colegionan pa conseho. Durante e aña, ta monitoria e implementacion di e presupuesto a base di informenan di implementacion. Na final di e aña presupuestario, e Colegio ta duna conseho tocante di e cuenta anual. Ora no cumpli cu e normanan prescribi den ley, finalmente Colegionan por duna conseho na RMR pa emiti un instruccion na e gobierno concerni pa tuma accion. E Colegionan por duna e paisnan y RMR conseho riba peticion pero tambe sin cu pidiele.

Boneiro, Sint Eustatius y Saba

E Colegio ta duna conseho tocante di e proyecto presupuestario, y den e contexto aki e por duna recomendacionnan pa modifica e presupuesto. Tambe tocante di modificacionnan di e presupuesto, Cft mester haya oportunidad di e Entidadnan Publico pa emiti conseho. Ademas, e Colegio ta duna conseho tocante di e informenan di implementacion y cuentanan anual. Na tur momento, e Colegio por inicia un investigacion di e maneho y e estructuracion di e organisacion financiero y por traha acuerdonan tocante di esaki cu e Colegionan Ehecutivo. Si mester, Minister di BZK por duna un instruccion.

Anexo 1

Tareanan, actividadnan y composicion di e Colegionan

Composicion di e Colegionan

E tres Colegio ta responsabel pa e ehecucion di supervision financiero. Cada Colegio ta consisti di un Presidente y miembronan. Consejo di Minister di Reino (RMR) ta nombra nan. E Colegionan ta haya apoyo di un secretariado comun, cu sedenan na Corsou, Sint Maarten y Aruba. Den e periodo cu e informe aki ta cubri, e composicion di e Colegionan tawata e siguiente:

Cft

- Lidewijde Ongerling – Miembro riba proposicion di Reino, simultaneamente Presidente
- Hans Hoogervorst – Miembro riba proposicion di Hulanda (Presidente entrante 1 di februari 2026)
- Elizabeth de Cuba – Miembro riba proposicion di Corsou
- Julisa Frans – Miembro riba proposicion di Sint Maarten

CAft

- Lidewijde Ongerling – Miembro riba proposicion di Reino, simultaneamente Presidente
- Hans Hoogervorst – Miembro riba proposicion di Hulanda
- Marion Agunbero – Miembro riba proposicion di Aruba

Cft BES


- Lidewijde Ongerling – Miembro riba proposicion di Reino, simultaneamente Presidente
- Hans Hoogervorst – Miembro riba proposicion di Hulanda
- Glenn Thodé – Miembro riba proposicion di Boneiro, Sint Eustatius y Saba



Lidewijde Ongerling



Marion Agunbero




Hans Hoogervorst



Elizabeth de Cuba



Julisa Frans




Glenn Thodé

Anexo 2


Lista di factsheet Corsou

- Poblacion: 156.115 (2025)
- Ciudadano 65+: 25,3% (2025)
- Porcentahe di desempleo: 7,6% (2025*)
- Inflacion (promedio den 12 luna): 2,4% (2025*)


Resultado budget operacional (den % di e bbp)




Tamaño di economia (den XCG miyon)




Inversionnan di gobierno (den % di e bbp)




Debe di gobierno (den % di e bbp)




Gastonan di personal (den % di e bbp y den % di e ingresonan)




Gastonan di interes (den % di e bbp y den % di e ingresonan)



Carga fiscal colectivo (den % di e bbp)



Resultado fondonan di cuidado











*= cifranan preliminar, **= presupuesto.

Fuente: Proyectonan di cuenta anual 2021-2024, presupuesto stipula 2025, modificacion di proyecto presupuestario 2025 di Corsou, cuentanan anual 2021-2024 y presupuesto 2025 di SVB, CBS 2025; CBCS Economic Bulletin december 2022 y juni 2025.

Anexo 2

Lista di factsheet **Aruba**

- Poblacion: 108.880 (2025)
- Ciudadano 65+: 19% (2025)
- Porcentahe di desempleo: 4,3% (2025)
- Inflacion (promedio den 12 luna): 1,0% (2025)











*= cifranan preliminar, **= presupuesto.

Fuente: IMF Article IV Consultation december 2025, di cuater informenan di implementacion 2020-2024, di dos modificacion di proyecto presupuestario 2025 di Aruba, cuentan anual 2021-2023 y e presupuesto 2026 di AZV y SVb.

Anexo 2

Lista di factsheet Sint Maarten

- Poblacion: 42.938 (2023)
- Ciudadano 65+: 7,9% (2018)
- Porcentahe di desempleo: 8,0% (2025)
- Inflacion (promedio den 12 luna): 3,3% (2025)



*= cifranan preliminar, **= presupuesto, # = Cifranan preliminar t/m Q4, ## = Cifranan preliminar t/m Q3.

Fuente: Di tres informe di implementacion 2025, di cuater informe di implementacion 2024 y 2023, cuenta anual 2021, (proyecto di) cuenta anual 2022, modificacion di proyecto presupuesto 2025 di Sint Maarten; cuentanan anual 2021-2024 y presupuesto 2026 di SZV; Kingdom of the Netherlands-Curaçao and Sint Maarten: 2025 Article IV Consultation Discussions-Press Release and Staff Report”, IMF Staff Country Reports 2025;

Anexo 2

Lista di factsheet BES

Bonaire

- Poblacion: 26.552 (2025)
- Porcentahe di desempleo: 3% (2025)
- Inflacion (promedio den 12 luna): 2,1% (2025)


Sint Eustatius

- Poblacion: 3.270 (2025)
- Porcentahe di desempleo: 3,9% (2025)
- Inflacion (promedio den 12 luna): 4,4% (2025)


Saba

- Poblacion: 2.158 (2025)
- Porcentahe di desempleo: 2,5% (2025)
- Inflacion (promedio den 12 luna): 1,4% (2025)


Bonaire: Desaroyo di ingresonan (den USD miyon)




Sint Eustatius: Desaroyo di ingresonan (den USD miyon)




Saba: Desaroyo di ingresonan (den USD miyon)




Bonaire: Desaroyo di gastonan di personal (den USD miyon)



Sint Eustatius: Desaroyo di gastonan di personal (den USD miyon)







Saba: Desaroyo di gastonan di personal (den USD miyon)



Anexo 2

Lista di factsheet BES



Fuente: E graficanan 'Desaroyo di ingresonan', 'Desaroyo di gastonan di personal' y 'Gastonan di personal (den % di e ingresonan)' ta origina di e documentacion presupuestario di e Entidadnan Publico incluyendo e cuentanan anual 2024, e informenan di implementacion, presupuesto 2025 y modificacionnan presupuestario di 2025. E grafica 'Crecemento di economia' a ser basa riba cifranan di CBS. E cifranan pa crecemento economico di 2024 y 2025 no ta conoci ainda.

Coherencia entre e graficanan:

Debi na e aumento substancial di e ingresonan total, e gastonan di personal como porcentahe di e ingresonan ta muestra un bahada na Boneiro y Saba, a pesar di e hecho cu tambe eyan e gastonan di personal den sentido nominal a aumenta substancialmente.

Anexo 3

Lista di abreviacion y concepto

Abreviacionnan

| | |
|----------------|--|
| ANG | Florin antiano |
| AOV | Seguro di Biehes General [<i>Algemene Ouderdomsverzekering</i>] |
| ARA | Algemene Rekenkamer Aruba |
| AWG | Florin arubiano |
| AZV | Seguro Medico General [<i>Algemene Ziektekosten Verzekering</i>] |
| BES | Boneiro, Sint Eustatius y Saba |
| Bbp | Producto nacional bruto [<i>Bruto binnenlands product</i>] |
| BZK | Minister/Ministerio di Asuntonan Interior y Relacionnan den Reino |
| BW | Modificacion presupuestario |
| CAft | Colegio di supervision financiero di Aruba |
| Cft | Colegio di supervision financiero Corsou y Sint Maarten |
| Cft BES | Colegio di supervision financiero di Boneiro, Sint Eustatius y Saba |
| CMC | Curaçao Medical Center |
| IMF | Fondo Monetario Internacional |
| LAft | Ordenanza Nacional di supervision financiero temporal di Aruba [<i>Landsverordening Aruba tijdelijk financieel toezicht</i>] |
| OBW | Modificacion di proyecto presupuestario |
| Rft | Ley di Reino Supervision Financiero Corsou y Sint Maarten |
| RMR | Conseho di Minister di Reino [<i>Rijksministerraad</i>] |
| SOAB | Stichting Overheidsaccountantsbureau |
| SVb | Banco di Seguro Social [<i>Sociale Verzekeringsbank</i>] |
| SZV | Organisacion di Implementacion di Seguro Social y Seguro Medico [<i>Uitvoeringsorgaan Sociale en Ziektekosten Verzekeringen</i>] |
| UR | Informe di implementacion [<i>Uitvoeringsrapportage</i>] |
| USD | Dollar americano |
| VBW | Modificacion presupuestario stipula |
| Ley | Ley di Finanza Entidad Publico Boneiro, Sint Eustatius y Saba [<i>Wet financiën openbare lichamen Bonaire, Sint Eustatius en Saba</i>] |
| FinBES | |
| XCG | Florin caribense |

Conceptonan

| | |
|---|---|
| Budget operacional | Na Corsou y Sint Maarten, e presupuesto ta consisti di “budget operacional” y “budget di capital”. Den e budget operacional ta refleha e ingresonan y gastonan actual, esta e ingresonan y gastonan operacional. |
| Budget di capital | Na Corsou y Sint Maarten, e presupuesto ta consisti di “budget operacional” y “budget di capital”. Den e budget di capital ta inclui e gastonan di capital (manera inversionnan den edificionan gubernamental of e red di caretera) y e ingresonan di capital (manera e ingresonan for di obligacionnan di gobierno). |
| Sistema di ingresonan y gastonan | Ta un sistema di contabilidad den cual ta atribui gastonan y ingresonan na e periodo den cual prestacionnan y/of productonan efectivamente ta ser entrega – no e momento cu ta paga of ricibi e placa. |
| Sistema di obligacionnan di caha | Ta un sistema di contabilidad cu ta registra y hustifica tanto e gastonan di caha y e ingresonan di caha, como e obligacionnan financiero entabla. E momento cu efectivamente ta haci e pago of ta ricibi e pago ta determinante, suplementa cu un registracion di e obligacionnan cu den futuro lo conduci na pagonan di caha. |

Anexo 4

Resumen di consehonan y reaccionnan duna den e di dos mita di 2025

Juli

| | |
|-----|---|
| SXM | Reaccion riba e prome informe di implementacion 2025 |
| AUA | Conseho tocante di empleo di surplusnan pa amortisacion di debe |
| BON | Conseho tocante di e cuenta anual 2024 |
| CUR | Reaccion riba peticion di prestamo 2025 |
| SXM | Conseho tocante di e presupuesto stipula 2025 |
| SXM | Peticion consultacion Cft cu Conseho di Minister |
| SXM | Peticion consultacion Cft cu Comision di Finanza |
| CUR | Peticion consultacion Cft cu Conseho di Minister |
| CUR | Peticion consultacion Cft cu Comision di Finanza |
| AUA | Peticion consultacion CAft cu Conseho di Minister |
| AUA | Peticion consultacion CAft cu Comision di Finanza |

Augustus

| | |
|-----|---|
| EUX | Conseho tocante di e cuenta anual 2024 |
| SAB | Conseho tocante di e cuenta anual stipula 2024 |
| BZK | Entrega di cuenta anual stipula 2024 di Sint Eustatius |
| BZK | Entrega di cuenta anual stipula 2024 di Saba |
| EUX | Reaccion riba e di dos informe di implementacion y conseho tocante di e di dos OBW 2025 |
| SAB | Reaccion riba e di dos informe di implementacion y conseho tocante di e di dos OBW 2025 |
| SXM | Boso reaccion tocante di e presupuesto stipula 2025 |
| BON | Solicitud enahenacion 4F-1467 |
| CUR | Conseho tocante di e proyecto presupuestario 2026 |
| SXM | Recordatorio prome informe di implementacion 2025 |
| AUA | Reaccion riba e di dos informe di implementacion 2025 |
| CUR | Conseho tocante di e modificacion di proyecto presupuestario 2025 |

| | |
|-----|--|
| CUR | Aplicacion exploratorio marco di referencia di maneho financiero |
| SXM | Aplicacion exploratorio marco di referencia di maneho financiero |
| CUR | Reaccion riba e di dos informe di implementacion 2025 Corsou |
| SAB | Conseho tocante di e proyecto presupuestario 2026 |

September

| | |
|-----|--|
| EUX | Conseho tocante di e proyecto presupuestario 2026 |
| BON | Reaccion riba e di dos informe di implementacion 2025 y e prome modificacion di proyecto presupuestario di Boneiru |
| AUA | Conseho tocante di e di dos modificacion di proyecto presupuestario 2025 |
| BON | Conseho tocante di e proyecto presupuestario 2026 |
| BON | Enahenacion 4-G-1067 |
| BZK | Conseho tocante di Ley di Reino Finanza Gubernamental Sostenibel Aruba |

October

| | |
|-----|--|
| AUA | Conseho tocante di e prome modificacion presupuestario stipula 2025 |
| CUR | Aplicacion marco di referencia di maneho financiero |
| SXM | Aplicacion marco di referencia di maneho financiero |
| SXM | Consulta cu Cft di fecha 19 di september 2025 |
| BZK | Entrega di di dos modificacion presupuestario stipula 2025 Saba |
| CUR | Consulta cu Cft di fecha 24 di september 2025 |
| AUA | Consulta cu Cft di fecha 26 di september 2025 |
| BON | Conseho tocante di e amienda di e prome modificacion di proyecto presupuestario 2025 |
| SXM | Reaccion riba e di dos informe di implementacion 2025 |
| BZK | Reaccion consultacion Amienda Areglo Categorisacion Funcional BES |

Anexo 4

Resumen di consehonan y reaccionnan duna den e di dos mita di 2025

October

| | |
|-----|---|
| BZK | Evaluacion di implementacion Ley di Revision WolBES/FinBES |
| SXM | Informenan sector colectivo y solicitud cuentanan anual entidadnan gubernamental y afilia na gobiernu |
| CUR | Informenan sector colectivo y solicitud cuentanan anual entidadnan gubernamental y afilia na gobiernu |
| AUA | Informenan sector colectivo y solicitud cuentanan anual entidadnan gubernamental y afilia na gobiernu |
| EUX | Consultacion Colegio cu Colegio Ehecutivo |
| EUX | Consultacion Colegio cu Colegio Ehecutivo |
| SAB | Consultacion Colegio cu Colegio Ehecutivo |
| SAB | Consultacion Colegio cu Colegio Ehecutivo |
| BZK | Entrega di di dos modificacion presupuestario stipula 2025 di Sint Eustatius |
| BZK | Entrega di presupuesto stipula 2026 di Saba |

November

| | |
|-----|---|
| BON | Conseho tocante di e amienda di e proyecto presupuestario 2026 |
| SXM | Conseho tocante di e modificacion di proyecto presupuestario 2025 |
| BZK | Entrega di presupuesto stipula 2026 di Sint Eustatius |
| BZK | Entrega di prome modificacion presupuestario stipula 2025 Boneiru |
| EUX | Reaccion riba e di tres informe di implementacion 2025 |
| SAB | Reaccion riba di tres informe di implementacion y conseho tocante di di tres modificacion di proyecto presupuestario 2025 |
| CUR | Seguimento programa di mehoracion Servicio di Impuesto |
| AUA | Conseho tocante di Ley di Reino Finanza Gubernamental Sostenibel Aruba y Ordenanza Nacional |
| VRO | Prestamo sin interes Saba 2025 |
| CUR | Seguimento concepto di marco di evaluacion maneho financiero |

| | |
|-----|--|
| BZK | Entrega presupuesto stipula 2026 Boneiru |
| SXM | Reaccion riba e di tres informe di implementacion 2025 |
| CUR | Reaccion riba e di tres informe di implementacion 2025 |
| AUA | Reaccion riba e di tres informe di implementacion 2025 |

December

| | |
|-----|--|
| AUA | Conseho tocante di Ordenanza Nacional Fondo General di Inversion y Desaroyo |
| CUR | Reaccion adapta riba e di tres informe di implementacion 2025 |
| CUR | Reaccion riba boso carta di 1 di december 2025 |
| CUR | Reaccion riba boso carta di 3 di december 2025 |
| BZK | Entrega di di tres modificacion presupuestario stipula 2025 di Saba |
| EUX | Conseho tocante di e di tres modificacion di proyecto presupuestario 2025 |
| EUX | Consulta cu Cft di fecha 17 di november 2025 |
| SAB | Consulta cu Cft di fecha 18 di november 2025 |
| BON | Consulta cu Cft di fecha 21 di november 2025 |
| SXM | Ricibimentu di cuentanan anual y colaboracion den bishitanan na entidadnan gubernamental y afilia na gobiernu |
| CUR | Reaccion riba boso solicitud di conseho di 1 di december 2025 |
| SXM | Recordatorio presupuesto 2026 y estado modificacion presupuestario 2025 |
| BON | Reaccion riba di tres informe di implementacion y conseho tocante di di dos modificacion di proyecto presupuestario 2025 |
| BZK | Conseho revisa presupuesto stipula 2026 Boneiru |

Adres oficina Corsou

De Rouvilleweg 39
Willemstad, Curacao
Telefon (+5999) 4619081

Adres oficina Sint Maarten

Frontstreet 26
Covent Building
Philipsburg, Sint Maarten
Telefon (+1721) 5430331

Adres oficina Aruba

L.G. Smith Boulevard 68
La Piccola Marina
Oranjestad, Aruba
Telefon (+297) 5832800

Coreo electronico: info@cft.cw

Website: www.cft.cw